

四庫

全書

四庫全書

全書

第九四八冊

四庫全書

●上海古籍出版社

本冊目次

六	雞	小	姓	小	王
			氏	學	附辭
帖		字	急	紺	學
			就		指
補	肋	錄	篇	珠	海(六)

宋楊伯岳撰……	宋趙崇絢撰……	宋陳思撰……	宋王應麟撰……	宋王應麟撰……
七三九	七三一	七〇一	六三三	一

欽定四庫全書

子部
玉海卷一百十九

詳校官中書臣張經田
主事臣祁韻士覆勘

總校官進士臣朱鈴
校對官主事臣陳文樞
勝錄監生臣張健

欽定四庫全書

玉海卷一百八十九

宋王應麟撰

兵捷

兵捷

露布

魏晉宋齊梁陳為尚書五兵元魏為七兵隋唐方有
兵部龍朔改司戎光宅改夏官天寶十一載改武部
通典後魏攻戰克捷欲天下聞知乃書帛建於漆

欽定四庫全書

玉海
卷一百八十九

竿上名為露布自此始也

後漢鮑昱傳使封胡降徽
昱曰當司徒露布注徽軍

書若今之露布也李雲傳露布上書注謂不封也又
蜀漢露布天下告諭伐魏文章錄起曰漢賈洪為

馬超戍曹操作魏志注虞松從司馬宣王征遼東及
破賊作露布世說袁宏倚馬前作露布後魏彭城王

勰曰露布者布於隋文帝開皇中詔牛弘撰宣露布
四海露之耳目

禮九年平陳元帥晉王以駟上露布兵部奏請依新

禮集百官四方客使等並赴廣陽門外內史令宣訖

蹈舞者三叉拜而罷

隋志有雜露布十二卷雜檄文
十七卷魏武帝露布文九卷

唐每平寇宣露布其日守宮量設羣官次露布至兵

部侍郎奉以奏聞集羣官東朝堂中書令宣布

漢票騎將軍破渾邪王

霍去病傳元狩二年春

紀在三月

為票騎將軍將萬騎出隴

西有功上曰票騎將軍率戎士踰烏蓋討邀漢涉狐奴

歷五王國幾獲單于子轉戰六日過焉支山千有餘里

合短兵鏖畢蘭下殺折蘭王斬盧侯王銳悍者誅全甲

獲醜執渾邪王子及相國都尉捷首虜八千九百六十

級收休屠祭天金人師率滅什七益封去病二千二百

欽定四庫全書

玉海

卷一百八十九

二

戶其夏與合騎侯敖俱出北地去病至祁連山捕首虜

甚多上曰票騎將軍涉鈞耆濟居延遂臻小月氏攻祁

連山揚武乎鯨得得單于單桓首涂王及相國都尉以

衆降下者二千五百人捷首虜三萬二百獲五王王母

關氏王子五十九人相國將軍當戶都尉六十三人師

大率滅什三益封去病五千四百戶

去病凡六出擊匈奴紀云夏去病

公孫敖出北地二千餘里過居延斬首虜三萬餘級秋昆邪王殺休屠王并將其衆降置五屬國

漢大將軍圍單于至闐顏山

武紀元狩四年夏大將軍衛青將四將軍出定襄將軍

去病出代各將五萬騎步軍踵軍後數十萬人青至幕

北圍單于

匈奴伊稱斜單于

斬首萬九千級至闐顏山乃還

與左賢王戰斬首虜七萬餘級封狼居胥山迺還

霍去病傳上與諸將議曰

翁侯趙信為單于畫計常以為漢兵不能度幕輕留今

大發卒其勢必得所欲是歲元狩四年也春上令大將

軍青票騎將軍去病各五萬騎令去病出代郡令青出

定襄郎中令李廣為前將軍太僕公孫賀為左將軍主

欽定四庫全書

玉海

卷一百八十九

三

爵趙食其為右將軍平陽侯襄為後將軍皆屬大將軍

趙信為單于謀曰漢兵即度幕人馬罷匈奴可坐收虜

耳迺悉遠北其輜重皆以精兵待幕北而適直青軍出

塞千餘里見單于兵陳而待於是青令武剛車自環為

營而縱五千騎往當匈奴匈奴亦從萬騎會日入大風

起沙礫擊面兩軍不相見漢益縱左右翼繞單于單于

視漢兵多戰而匈奴不利薄莫單于遂乘六羸壯騎數

百直冒漢圍西北馳去漢軍因發輕騎夜追之青隨其

後匈奴兵亦散走會明行二百餘里不得單于頗捕斬首虜萬餘級遂至闐顏山趙信城得匈奴積粟食軍軍留一日而還悉燒其城餘粟以歸凡斬首虜萬九千級是時匈奴眾失單于十餘日青凡七出擊匈奴匈奴傳是後匈奴遠遁而幕南無王庭單于用趙信計遣使好辭請和親

漢伏波將軍平南粵

南粵王傳興嗣立嬰齊之子元鼎四年漢使諭王入朝興上

欽定四庫全書

五海卷一百八十九

四

書願比內諸侯三歲一朝除邊關許之賜丞相呂嘉銀印王欲入朝嘉諫不聽陰謀作亂天子遣韓千秋將二千人入粵境嘉乃反殺太后王漢使者立建德為王以兵擊千秋等滅之函封漢使節至塞上謾辭謝罪發兵守要害天子令粵人及江淮以南樓船十萬師往討元鼎五年秋衛尉路博德為伏波將軍出桂陽下湟水主爵都尉楊僕為樓船將軍出豫章下橫浦故歸義粵侯二人為戈船下潯將軍出零陵下離水抵蒼梧馳義侯

因巴蜀罪人發夜郎兵下牂柯江咸會番禺六年冬樓船將精卒先陷尋陘破石門得粵船粟因推而前挫粵鋒以數萬人待伏波伏波道遠後期與樓船會乃有千餘人遂俱進樓船居前至番禺建德嘉城守會暮樓船攻敗粵人縱火燒城伏波遣使招降者賜印綬復縱令相招遲旦城中皆降伏波嘉建德夜與其屬數百人亡入海伏波問降者知所之遣人追故其校司馬蘇弘得建德為海常侯粵郎都稽得嘉為臨蒼梧王趙光降為隨侯粵桂林監居翁諭告甌駱四十餘萬口降為湘城侯粵平以為九郡自尉佗王凡五世九十三歲而亡紀元鼎六年冬辛縱氏至左邑桐鄉聞南粵破改聞喜縣春至汲新中鄉得呂嘉首呂為獲嘉縣遂定越地天官書越之亡憂惑守斗

漢中郎將平西南夷

武紀元鼎六年春馳義侯遺兵未及下上令征西南夷平之定西南夷呂為武都牂牁越嵩沈黎文山郡西夷印都

滇南夷夜郎
書誤且蘭所殺使者即馳義侯

大事紀曰本紀所

元封二年秋遣將軍

郭昌中郎將衛廣發巴蜀兵平西南夷未服者為益州

郡傳南粵反上使馳義侯因犍為發南夷兵且蘭君

恐遠行旁國虜其老弱乃與其眾反殺使者及犍為太

守漢乃發巴蜀罪人當擊南越者八校尉擊之會粵已

破漢八校尉不下中郎將郭昌衛廣引兵還行誅隔滇

道者且蘭斬首數萬遂平南夷為牂柯郡夜郎侯多同

始倚南粵粵已滅遂入朝叩君并殺犍侯冉駹皆震恐

欽定四庫全書

王翕
卷一百八十九

六

諸臣置吏以叩都為粵嶺南都為沈黎冉駹為文山廣

漢西白馬為武都郡使王然于風論滇王入朝滇舉國

降請置吏入朝以為益州郡

滇莊
踰後

漢橫海將軍平東越

通鑑元鼎六年秋東越王餘善反遣橫海韓說出句章

浮海從東方往樓船楊僕出武林中尉王溫舒出梅嶺

越侯為戈船下瀨將軍出若耶

漢書作
如耶

白沙

閩粵

王傳漢五年立無諸為閩越王王閩中

無諸姓
初帥粵

人佐漢
擊項

建元六年餘善殺王郢自立因立為東粵王至

元鼎五年南粵反餘善請以卒八千從樓船擊呂嘉等

兵至揭陽以海風波為解持兩端陰使南粵及漢破番

禺樓船將軍僕上書請誅之明年秋餘善發兵距漢道

號將軍駟力等為吞漢將軍入白砂武林梅嶺殺漢三

校尉刻武帝璽自立上遣韓說等擊之元封元年冬咸

入東粵樓船軍卒緣終古斬徇北將軍故粵行侯吳陽

以其邑七百人反攻粵軍於漢陽及故粵建成侯敖與

欽定四庫全書

王翕
卷一百八十九

七

繇王居股謀俱殺餘善以其眾降橫海軍詔遷其民江

淮遂虛其地

漢將軍平西羌

武紀元鼎六年冬十月發隴西天水安定騎士及中尉

河南河內卒十萬人遣將軍李息郎中令徐自為征西

羌平之後傳先零羌與匈奴通合兵十餘萬攻令居

圍枹罕息自為擊平之始置護羌校尉羌乃去湟中依

西海鹽池

漢匈河將軍虜樓蘭王

表元封三年趙破奴以匈河將軍擊樓蘭封浞野侯

大事紀元封元年冬十月遣破奴擊西域虜樓蘭車

師王解按大宛傳自博望侯開外國道而樓蘭姑師車即

并當空道攻劫漢使王恢等匈奴奇兵時時遮擊使西

國者使者爭言兵弱易擊天子遣從票侯破奴將屬國

騎及郡兵數萬至匈河水欲擊胡胡皆去通鑑載於元鼎六年秋

其明年擊姑師破奴與輕騎七百餘先至虜樓蘭王遂

欽定四庫全書

卷一百八十九

八

破姑師中郎將王恢捕得其王因暴兵威動大宛烏孫
之屬於是酒泉列亭鄣至玉門矣通鑑據破奴封侯之歲載於元封三年

漢左將軍荀彘滅朝鮮

傳朝鮮王滿燕人盧綰反滿聚黨千餘人推結夷服度

涓水居上下障都王險孝惠高后時遼東太守約滿為

外臣至孫右渠誘亡人滋多未嘗入見真番辰國欲上

書見天子又雍閼弗通元封二年漢使涉何譙諭右渠

不奉詔拜何遼東東郡都尉朝鮮襲殺何四乃募罪人

擊之秋遣樓船將軍楊僕從齊浮渤海兵五萬荀彘出

遼東誅右渠兩將未有利使衛山因兵威往諭右渠見

信節請服疑不度涓水三年夏尼谿相參使人殺王右

渠來降定為四郡時星弟於河城

漢拔胡將軍擊昆明

紀元封六年春益州昆明反赦京師亡命令從軍遣拔

胡將軍郭昌將呂擊之斬首數十萬

漢貳師將軍誅宛王

欽定四庫全書

卷一百八十九

九

武紀太初元年秋八月遣貳師將軍李廣利發天下隨

民西征大宛四年春貳師將軍廣利斬大宛王首獲汗

血馬來作西極天馬之歌劉向曰封拜兩侯三卿二千石百有餘人

李廣利傳太初元年發屬國六千騎及郡國惡少年數萬人

伐宛期至貳師城取善馬故號貳師將軍故浩侯王恢

使道軍既西過鹽水當道小國各堅城守不肯給食攻

之不能下下者得食不下者數日則去比至郁成士有

數千皆飢罷攻郁成城郁成距之所殺傷甚衆貳師將

軍與左右計至郁成尚不能舉況至其王都乎引而還往來二歲至敦煌士不過什一二使使上書言道遠多乏食士卒不患戰而患飢人少不足以拔宛願且罷兵益發而復往天子聞之大怒使使遍玉門關曰軍有敢入斬之貳師恐因留也敦煌其夏發惡少年及邊騎出敦煌六萬人益發戍甲卒十八萬而發天下七科適及戴繡給貳師而拜習馬者二人為執驅馬校尉備破宛擇取其善馬云於是貳師復行至輪臺屠之至宛城兵到者三萬宛兵迎擊漢兵漢兵敗之宛入保其城攻之四十餘日宛貴人謀曰王毋寡匿善馬殺漢使令殺王而出善馬漢兵宜解宛貴人以為然共殺王持其頭出其馬令漢自擇之漢軍取其善馬數十匹中馬以下牝牡三千餘匹而立昧蔡為宛王與盟而罷兵終不得入中城軍還詔曰匈奴與旁國謀共要絕大月氏使遮殺中郎將江故鴈門太守攘危須以西及大宛皆合約殺期門車令中郎將朝及身毒國使隔東西道貳師將軍

廣利征討厥罪伐勝大宛賴天之靈從沂河山涉流沙通西海山雪不積士大夫徑度獲王首虜珍怪之物畢陳於闕其封廣利為海西侯伐宛再反凡四歲而得罷焉西域傳宛別邑七十餘城多善馬張騫始言之上遣使持千金及金馬以請宛王以絕遠大兵不能至愛寶馬不肯與攻殺漢使取其財物於是天子遣貳師將軍李廣利將兵前後十餘萬人伐宛連四年宛人斬其王毋寡首獻馬三千匹漢軍乃還貳師既斬宛王更立貴人素遇漢善者名昧蔡為宛王史天官書兵征大宛星常招搖

漢開陵侯獲車師王騎都尉破車師

大事記征和三年夏五月遣開陵侯成浹發樓蘭六國兵圍車師獲其王當攷宣紀神爵二年秋九月匈奴

日逐王先賢憚將人眾萬餘來降使都護西域騎都尉鄭吉迎日逐破車師皆封侯西域傳武帝天漢二年

以匈奴降者介和王為開陵侯表不得封年將樓蘭兵始擊

車師匈奴遣右賢王將數萬騎救之漢兵不利引去征
和四年遣重合侯馬通將四萬騎擊匈奴道過車師北
復遣開陵侯將樓蘭尉犂危須凡六國兵別擊車師勿
令得遮重合侯諸國兵共圍車師車師王降服臣屬漢
昭帝時匈奴復使四千騎田車師宣帝即位本始二年
遣五將將兵擊匈奴車師田者驚去車師復通於漢匈
奴怒召其太子軍宿欲以為質軍宿馬耆外孫不欲質
匈奴亡走焉耆車師王更立子烏貴為太子及烏貴立
欽定四庫全書

王海
卷一百八十九

十一

為王與匈奴結婚嫖教匈奴遮漢道通烏孫者地節二
年漢遣侍郎郎吉校尉司馬喜將免刑罪人田渠犂積
穀欲以攻車師至秋收穀吉喜發城郭諸國兵萬餘人
自與所得田士千五百人共擊車師攻交河城破之王
尚在其北石城中未得會軍食盡吉等且罷兵歸渠犂
田收秋畢復發兵攻車師王於石城王聞漢兵且至北
走匈奴求救匈奴未發兵王來還與貴人蘇猶議欲降
漢恐不見信猶教王擊匈奴邊國小蒲類斬首略其人

民以降吉車師旁小金附國隨漢軍後盜車師王復自
請擊破金附匈奴發兵攻車師迺輕騎奔烏孫吉迎其
妻子傳送詣長安賞賜甚厚每朝會四夷常尊顯以示
之元康二年立軍宿為王

吉既破車師降
日逐威震西域

漢水衡都尉破西南夷

昭紀始元元年夏益州廣頭姑繒牂柯談指同並二十
四邑三萬餘人皆反

注皆西南
夷別種

遣水衡呂破胡募吏民

及發犍為蜀郡犂命往擊大破之四年西南夷姑繒葉

欽定四庫全書

王海
卷一百八十九

十三

榆復反冬遣大鴻臚田廣明擊之五年秋廣明及軍正
王平斬首捕虜三萬餘人獲畜產五萬餘六年詔以鈞
町侯毋波率君長人民擊反者有功立為鈞町王

漢張掖屬國都尉破匈奴犂汗王

匈奴傳元鳳三年春正月壺衍鞬單于使犂汗王窺邊
言酒泉張掖兵弱出兵試擊冀復得其地漢先得降者
聞其計詔邊警備後無幾右賢王犂汗王四千騎分三
隊入日勒屋蘭番和張掖太守屬國都尉發兵擊大破

之得脫者數百人屬國千長義渠王騎士射殺犂汗王因封為犂汗王屬國都尉郭忠封成安侯二月癸丑封自是匈奴不敢入張掖

漢平樂監誅樓蘭

昭紀元鳳四年夏四月詔平樂監傅介子持節使誅斬樓蘭王安歸首懸北闕七月乙巳封義陽侯 傅介子傳使大宛還謂大將軍霍光曰樓蘭龜茲數反覆而不誅無所懲艾介子過龜茲時其王近人易得也願往刺之

欽定四庫全書

玉海 卷一百八十九

十四

之以威示諸國大將軍曰龜茲道遠且險之於樓蘭於是白遣之介子與士卒俱齎金幣揚言以賜外國為名至樓蘭王意不親介子介子陽引去至其西界使譯謂曰漢使者持黃金錦繡行賜諸國王不來受我之西國矣即出金幣以示譯譯還報王王貪漢物來見使者介子與飲坐陳物示之王起入帳中屏語壯士二人從後刺之刃交匈立死介子諭告以王負漢罪天子遣我來誅王當更立前太子質在漢者西城障立王弟尉屠者為王漢兵

方至毋敢動動則滅國矣遂持王首還詣闕公卿將軍議者咸嘉其功上乃下詔曰樓蘭王安歸常為匈奴間候遮漢使者發民殺掠衛司馬安樂光祿大夫忠期門郎遂成等三輩及安息大宛使盜取節印獻物甚逆天理介子斬安歸首懸北闕以直報怨不煩師衆封介子義陽侯食邑七百五十九戶刺王者皆補侍郎 西域傳樓蘭治杆尼城去陽關千六百里為匈奴反間數遮殺漢使其弟尉屠者降漢言狀元鳳四年霍光白遣介子往刺遂斬其王安歸首馳傳詣闕立尉屠者為王更名其國為鄯善

欽定四庫全書

玉海 卷一百八十九

十五

漢校尉入匈奴右地

宣紀本始二年匈奴數侵邊又西伐烏孫秋大發兵調關東輜車銳卒選郡國吏三百石伉健習騎射者田廣明為祁連趙充國為蒲類田順為虎牙及度遼范明友前將軍韓增凡五將軍十五萬騎校尉常惠持節護烏孫兵威擊匈奴三年正月戊辰五將軍師發長安夏五

月軍罷常惠將烏孫兵入匈奴右地大克獲封列侯

匈奴傳烏孫昆彌上書言連為匈奴所侵削願發國半精兵人馬五萬匹盡力擊匈奴本始二年校尉常惠使護發兵烏孫西域昆彌自將翕侯以下五萬餘騎從西方入與五將軍兵二十餘萬衆惠與烏孫兵至右谷蠡庭獲單于父行及嫂居次名王犁汗都尉千長將以下三萬九千餘級虜馬牛羊驢贏橐駝七十餘萬漢封惠為長羅侯

四年四月癸巳封匈奴遂衰耗

欽定四庫全書

五海
卷一百八十九

十六

漢衛侯平莎車

莎車傳宣帝時烏孫公主小子萬年莎車王愛之莎車王無子死時萬年在漢莎車國人計欲自託於漢又欲得烏孫心即上書請萬年為莎車王漢許之遣使者奚充國送萬年萬年初立暴惡國人不悅莎車王弟呼屠微殺萬年并漢使者自立為王約諸國背漢會衛侯馮奉世使送大宛客即以便宜發諸國兵擊殺之更立它昆弟子為莎車王還拜奉世為光祿大夫是歲元康元

年也馮奉世傳本始中從軍擊匈奴軍罷復為郎先

是時漢數出使西域多辱命不稱或貪汙為外國所苦是時烏孫大有擊匈奴之功而西域諸國新輯漢方善遇欲以安之選可使外國者前將軍韓增舉奉世以衛侯使持節送大宛諸國客至伊修城都尉宋將言莎車與旁國共攻殺漢所置莎車王萬年并殺漢使奚充國時匈奴又發兵攻車師城不能下而去莎車遣使揚言北道諸國已屬匈奴矣於是攻劫南道與敝盟叛漢從

欽定四庫全書

五海
卷一百八十九

十七

鄯善以西皆絕不通都護鄭吉校尉司馬意皆在北道諸國間奉世與其副嚴昌計以為不亟擊之則莎車日強其執難制必危西域遂以節諭告諸國王因發其兵南北道合萬五千人進擊莎車攻拔其城莎車王自殺傳其首詣長安諸國悉平威振西域奉世乃更立他昆弟罷兵以聞宣帝召見韓增曰賀將軍所舉得其人奉世遂西至大宛大宛聞其斬莎車王敬之異於他使得其名馬象龍而還

漢後將軍平先零

趙充國傳

燕紀

神爵元年春先零羌反夏四月充國以後

將軍將兵擊之充國計欲以威信招降罕开及刼畧者解散虜謀傳檄乃擊之秋奏罷騎兵留屯田明年五月充國奏先本可五萬人軍凡斬七千六百級降三萬一千二百人溺河湟餓死者五六千人定計遺脫不過四千羌靡忘等自詭必得請罷屯田充國振旅而還秋羌共斬大豪首率四千餘人降

詳見屯田類

欽定四庫全書

玉海卷一百八十九

十八

漢右將軍光祿勳平隴西羌

馮奉世傳為右將軍光祿勳元帝永光二年秋七月隴西羌多姐旁種反詔丞相韋元成等議是時歲比不登京師穀石二百餘邊郡四百關東五百四方饑饉朝廷方以為憂而遭羌變元成等漠然莫有對者奉世對曰羌虜近在境內背畔不以時誅亡以威制遠蠻臣願帥師討之上問用兵之數對曰善兵者役不再興糧不三載故天誅亟決今反虜無慮三萬人法當信用六萬人

然羌戎弓矛之兵耳器不犀利可用四萬人一月足以

決丞相等以發萬人屯守且足奉世不可曰天下飢饉

士馬羸耗守戰之備久廢不簡夷狄有輕邊吏之心而

羌首難今以萬人分屯數處見兵少必不畏懼有詔益

二千人於是遣奉世將萬二千人騎以將屯為名典屬

國任立護軍都尉韓昌為偏裨到隴西分屯三處典屬

國為右軍屯白石護軍都尉為前軍屯臨洮奉世為中

軍屯首陽西極上前軍到降同阪先遣校尉在前與羌

欽定四庫全書

玉海卷一百八十九

十九

爭地利又別遣校尉救民於廣陽谷羌戎威多皆為所

破殺兩校尉奉世上地形部衆多少之計願益三萬六

千人乃足以決事書奏天子大為發兵六萬餘人拜太

常弋陽侯任千秋為奮武將軍以助焉

紀云八月別奉將五校並進

世上言願得其衆不欲煩大將上於是以前書勞奉世

且讓之曰皇帝問將兵右將軍上書言羌虜依深山多

徑道不得不多分部遮要害須得後發營士足以決事

部署已定執不可復置大將聞之前為將軍兵少不足

自守故發近所騎日夜詣非為擊也今發三輔河東弘農越騎逆射攸飛穀者羽林孤兒及呼遼累疇種降漢者

方急遣且兵凶器也故復遣奮武將軍何疑高須奮武

將軍到合擊羌虜十月兵畢至隴西十一月並進羌虜

大破斬首數千級餘皆走出塞上曰羌虜破散創艾亡

逃出塞其罷吏士頗留屯田備要害處明年二月奉世

還京師西羌平其後錄功拜爵詔曰羌虜桀黠賊害

吏民攻隴西府寺燔燒置亭絕道橋甚逆天道奉世前

將兵征討斬捕虜首八千餘級禽馬牛羊以萬數賜爵

關內侯裨將校尉三十餘人皆拜

漢使護西域騎都尉誅郭支韋臣上壽改元

陳湯傳宣帝時甘露元年呼韓邪單于與郭支單于俱遣子

入侍漢兩受之後呼韓邪單于親入稱臣朝見郭支單

于怨漢不助已乃因辱漢使者江迺始等初元四年又

殺漢使谷吉等自知負漢遂西奔康居建昭二年西域

副校尉陳湯因與都護甘延壽謀曰郭支侵陵烏孫大宛

常為康居畫計欲降服之如得此二國北擊伊列西取

安息南排月氏山離烏弋數年之間城郭諸國危矣遂

矯制發西域城郭諸國兵所發十五王車師戊己校尉屯田

吏士部勒行陳益置陽威白虎合騎之校漢兵胡兵合

四萬餘人即日引軍分行別為六校其三校從南道踰

蔥嶺經大宛其三校都護自將發溫宿國從北道入赤

谷過烏孫涉康居界前至郭支城都賴水上離城三里

止營傳陳望見單于城上立五采幡幟數百人被甲乘

城延壽湯令軍聞鼓音皆薄城下四面圍城各有所守

穿塹塞戶圍楯為前戰弩為後仰射城中時康居萬餘

騎分為十餘處四面環城亦相與應和平明四面火起

吏士喜大呼乘之鉦鼓聲動地康居兵引却漢兵四面

推鹵楯並入土城中單于男女百餘人走入內單于被

創死軍候假丞杜勲斬單于首得漢使節二及谷吉等

所齎帛書諸鹵獲以畀得者凡斬閼氏太子名王以下

千五百一十八級生虜百四十五人降虜千餘人於是

延壽湯上疏曰天下之大義當混為一昔有唐虞今有
彊漢呼韓邪已稱北藩唯郅支叛逆未伏其辜大夏之
西以為彊漢不能臣也臣延壽臣湯將義兵行天誅上
賴陛下神靈陰陽並應天氣晴明陷陳克敵斬郅支首
及名王以下宜挂頭蒙街蠻夷邸間以示萬里明犯彊
漢者雖遠必誅 元帝紀建昭三年秋使護西域騎都
尉甘延壽副校尉陳湯矯發戊己校尉屯田吏士及西
域胡兵攻郅支單于冬斬其首傳詣京師懸蠻夷邸門

欽定四庫全書

王
海

卷一百八十九

三十二

四年春正月以誅郅支單于告祠宗廟赦天下羣臣上
壽置酒以其圖書示後宮貴人竟寧元年春正月庫韓
邪單于來朝詔曰郅支伏辜庫韓邪復修朝賀之禮願
保塞傳之無窮邊垂長無兵革之事其改元為竟寧夏
封延壽列侯湯爵關內侯黃金百斤 劉向上疏曰郅
支殺使者傷威毀重陛下赫然欲誅之意未嘗有忘延
壽湯承聖指倚神靈總百蠻之君搃城郭之兵出百死
入絕域遂蹈康居屠五重城塞歛侯之旗斬郅支之首

懸旌萬里之外揚威昆山之西埽谷吉之耻立昭明之
功萬夷惴伏莫不懼震呼韓邪單于見郅支已誅且喜
且懼鄉風馳義稽首來賓雖易之折首詩之雷霆不能
及也 谷永曰湯義勇奮發橫厲烏孫隄集都賴報十
年之誅誅雪邊更之宿耻秉鉞席卷喋血萬里之外薦
功祖廟告類上帝 耿育云為聖漢揚鉤深致遠之威
討絕域不羈之君係萬里難制之虜下詔宣著其功改
年垂歷應是南郡獲白虎

欽定四庫全書

王
海

卷一百八十九

三十三

漢牂柯太守平西夷 武威將軍平西南夷

西南夷傳成帝河平中夜郎王興與鈞町王禹漏卬侯
俞更舉兵相攻遣太中大夫張匡持節和解興等不從
命刻木象漢吏射之陳立為牂柯太守諭告夜郎王興
興不從命迺從吏數十人出行縣至興國且同亭興從
邑君數十人見立立數責斷頭邑君皆釋兵降鈞町漏
卬震恐入粟牛羊勞吏士興妻父翁指與子邪務收餘
兵迫脅二十二邑反立秦募諸夷斬之立已平定西夷

名詣京師 通鑑建武十九年西南夷棟蠡反殺長吏
詔武威將軍劉尚討之路由越嵩邛穀王任貴欲襲擊
尚尚知之先據邛都掩任貴誅之二十年尚進兵與棟
蠡等連戰皆破之二十一年正月追至不韋斬棟蠡帥
西南諸夷悉平二十三年正月南郡蠻叛尚討破之

漢征西大將軍破赤眉

光武紀建武三年閏正月己巳馮異與赤眉戰峭底大
破之己亥帝幸宜陽甲辰親勒六軍大陳戎馬赤眉震

欽定四庫全書

王
卷一百八十九

二十四

怖乞降丙子面縛奉高帝璽綬 更始元年十月赤眉

樊崇降既而亡歸二年冬西攻長安蕭王籌赤眉必破

長安以鄧禹深沈有大度授以西討之略拜前將軍分

兵二萬遣西入關建武元年六月赤眉立盆子九月入

長安二年禹軍昆明池九月禹兵敗赤眉延岑暴亂三

輔岑自稱武安王欲據關中

遣偏將軍馮異代禹討之車駕送至河

南敕曰元元塗炭無依今之征伐非必畧地屠城要在

平定安集之耳異布威信羣盜皆降又詔鄧禹還曰以

飽待饑逸待勞折箠笞之遣破姦將軍侯進等屯新安
建義大將軍耿弇屯宜陽異與赤眉過華陰相距六十
餘日戰數十降將卒五千餘三年春正月甲子拜異征
西大將軍禹要異共攻大敗異走回谿阪堅壁自守閭
月集諸營數萬人約期會戰使壯士變服伏道側旦日
賊萬人攻異大戰日是賊氣衰伏兵卒起衣服相亂衆
驚潰追擊大破於峭底降男女八萬人餘衆尚十餘萬
東走宜陽降璽書勞異曰始雖垂翅回谿終能奮翼澗

欽定四庫全書

王
卷一百八十九

二十五

池 崔駰賦握狼弧蹈參伐

漢大司馬平山東

見獻功類

漢中郎將平隴右

紀建武十年冬十月中郎將來歙等大破隗純於落門

純與周宗降隴右平 初建武元年十二月隗囂自稱

西州上將軍三年十二月帝謂太中大夫來歙曰云云

歙曰臣嘗與囂過長安其始起以漢為名願奉威命開